



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Sacramentis, Mille Sexcenti Errores, Vaniloquia, Et
Cavillationes**

Miletus, Vitus

Mogvntiae, 1593

VD16 M 5205

De Necessitate Sacmentorum.

urn:nbn:de:hbz:466:1-30094

De Necessitate Sacramento- rum.

Non esse necessaria vlla Sacra-
menta ad salu-
tem. Hanc sententiam, et si Kemnitius Lutherano-
rum esse neget, re ipsa tamen non Lutheri modo, sed
ipsius est Kemnitij, qui (vt supra) nullam prorsus Sacramentis,
sed soli fidei gratiam tribuit & iustificationem, Vnde sicut o-
pera, ita quoq; Sacra-menta ad salutem nihil conferre autumat. *Ex KENN. in 20.
part. Examini d.
pag. 18.*

De Capt. Babyl.
Verba Lutheri sunt: Baptismus neminem iustificat, aut vlli prodest, *cap. de Baptismo.*
Sed fides in verbum promissionis. Et alibi: *Nos dicimus, nec veteris In Afferi. art. p.*
nec noui testamenti. Sacra-menta iustificasse, sed fidem solam. Et Phi-
lippus in Loc. ann. 21. *Non iustificant signa,* vt Apostolus ait,
Circumcisio nihil prodest, ita baptismus nihil est, participatio mensæ Da-
minim nihil est, &c. Sacra-menta ergo, et si non sunt contemnenda,
ad iustificationem tamen & salutem hominum, opinione eorum,
non sunt necessaria. At qui necessaria esse, ex scripturis est per-
spicuum. *Nisi quis renatus fuerit ex Aqua et Spiritu, non potest in-* *Ioan. 3.*
troire in regnum cœlorum: Nisi poenitentiam egeritis, omnes simul peribi- *Luc. 13.*
tis. Nisi manducaveritis carnem filij hominis, et biberitis eius sanguinem, *Ioan. 6.*
nón habebitis vitam in vobis, &c.

204. Pontificios docere, omnia Sacra-menta, etiam ea que
verè & propriè Sacra-menta non sunt, singulis hominibus ad sa-
lutem esse necessaria. *Kennit. pag. 18.* Errant: Etenim solum
Baptismum singulis, poenitentiam solis peccatoribus, Cætera
verò suo modo & ordine docent esse necessaria.

205. Fieri Lutheris manifestam iniuriam, quod exclu-
dant Sacra-menta à iustificatione. *Kennit.* At Lutheri verba in
lib. contr. Cochlaeum hæc sunt: *Non potest vlla pars iustificationis*
tribui Baptismo. Et quidem cum solam fidem iustificare omnes
communiter assument & contendunt Lutherani, nec vlla par-
tem signis tribuant, vel operibus, quomodo Sacra-menta re ipsa à
iustificatione nō excludunt?

Millesexcenti Errores,

206. Sacra menta esse necessaria propter imbecillitatem fidei nostra, quæ et si propter verbum promissionibus credat, & eas aliquo modo apprehendat, tamen quia infirma est, & non dum firmiter eas apprehendit, necesse sit quod vacillet, proinde Deum instituisse & ordinasse Sacra menta, quæ sint tanquam visibile verbum, & adminiculum fidei, ne vacillet. *Kemnitius.* At hoc quid aliud est, quam Sacra menta penitus excludere à iustificatione? An autem propter fidem alendam sint instituta, supra examinauimus.

207. Sacra menta esse necessaria propter diuinam institutionem, quæ enim Deus hoc consilio, & in hunc finem instituit, ut per ea, credentibus exhibeat, applicet, & ob signet, beneficia Mediato ris, ea nec inutilia, nec superflua censerri debere. *Kemn.* pag. 19. Quasi quisquam aliquando tam fuerit phanaticus, qui negariit, Sacra menta esse necessaria propter diuinam institutionem, si diuinis instituta esse crederet, questio nulla est, an à Deo sint instituta, contemnendaq;, sed an gratiam, quam exhibent & applicant, verè producant, non propter fidem annexā, sed propter diuinam institutionem, proinde non tam necessaria propter Dei institutionem, quām propter hominis sanctificationem & iustificationem. Sicut enim verba sonant. *Nisi quis renatus fuerit, &c.* *Nisi paenitentiam egeritis, &c.*

208. Sacra menta esse necessaria, propter diuinæ prædestinationis & vitæ æternæ ob signationem, eo enim ipso, quo quis Sacra mentum percipit, tanquam diuino quoddam sigillo, de sua prædestinatione certus efficitur. *Calvinus.* Quasi non æquè reprobri baptizentur, ac prædestinati? Aut fortè nulli baptizati, seu sigillo baptismi ob signati, damnantur? quid est ergo quod Scriptura inquit: *Nisi paenitentiam egeritis omnes simul peribitis?* Item: *Si iustus se auerterit à iustitia sua omnium iustitiarum suarum, quas operatus est, non recordabor amplius?* *Nisi manducaueritis carnem filij hominis, non habebitis vitam in vobis?* Quæ quidem verba non ad infideles, sed ad fidèles dicuntur & baptizatos.

*Iacob. 3.
Lxx. 13.*

*Lxx. 13.
Ezech. 18.
Iacob. 6.*

Enchiridion doctorum 209. Sa-

209. Sacra menta nemini prodesse, nisi credat, ea non solum in genere à Deo esse instituta pro omnibus, sed etiam pro se in particulari, per quæ sibi gratia exhibeat, offeratur, & applicetur. *Kemnitius*: Quæ inceptiæ? Quasi tam excors sit quisquam, qui nisi id crederet, Sacramentum vel quereret, vel perciperet? Ideò siquidem Sacramentum quisque percipit, quia sibi in particuliari vtile & necessarium esse credit.

210. Pontificios necessitatem Sacramentorum non tantum eò referre, quod sunt causa instrumentales, per quas à Deo nobis offeratur, exhibeat, & applicetur gratia iustificationis, sed etiam ad ipsam gratiam obtinendam, & hoc nolle ipsos soli tribuere fidei, sed adiungere necessitatem Sacramentorum, hoc est, intelligere nostrum opus, quod in susceptione Sacramentorum facimus, ita ut fides non sola, sed una cum dignitate seu merito illius operis, accipiat gratiam iustificationis. *Verba sunt Kemnitij pag. 18.* Ex quibus euidenter elucet, Lutheranos nullam prorsus Sacramentis tribuere gratiam aut iustificationem, sed soli fidei, Cum tamen ibidem sapius repeatat, *Neminem sum intelligere, iustificationem propter solam fidem tribui Sacramentis, quasi excludatur à iustificatione gratia DEI, meritum Christi, ministerium verbi & Sacramentorum.* Si ergò non excludunt gratiam à Sacramento, at certè excludunt ab efficientia Sacramenti; Aut si nec ab hac excludunt, quid est ergò quod in Pontificiis reprehendunt?

211. Pontificios, quando docent Sacra menta esse necessaria, propter gratiam consequendam, & solam fidem non sufficere, non aliud intelligere, quam præter fidem necessarium esse nostrum opus, propter cuius dignitatem & meritum gratia conferatur. *Kemnitius loco citato.* Cum paulò infra acerbè perstringat Pontificios, quod gratiam tribuant Sacramento & operi operato, non operantis. An idem est opus nostrum, quod est opus operantis, & opus operatum? An (ut suprà) palam passimq; omnes clamant, Pontificios per opus operatum omnem excludere motum interiorum? quomodo ergo gratiam tribuunt

Millesexcenti Errores,

tribuunt operibus nostris: An opus Sacramenti, opus est nostrum? Itaq; manifesta calumnia est, quod quisquam Pontificiorum aliquando docuerit, gratiam conferri propter opera nostra, aut ipsa opera Sacramentorum, esse opera nostra.

212. Concilium Tridentinum, ideo nominare Sacramenta nostra, Sacra menta nouæ legis, ut insinuet mutuam connexionem & relationem operum nostrorum, & legis, in ipso Sacramentorum vsu. *Kemnit.* Nimia perspicacitas: Per legem nouam, Euangelium Pontificij intelligunt, Iste opera hominum somniant. Nisi forte intelligat Kemnitius (longè enim prospicit) Euangelium Christi, non esse legem, nec villa continere operum mandata, sed verbum tantummodo fidei, plenum consolacione, eximens nos ab omni lege, iuxta illud tritum eorum, sed perperam intellectum axioma, *In sto lex non est posita.*: *Vos autem sub legem non estis.* De qua re suo loco. Euangelium siquidem plurima continere præcepta, sine quorum obseruatione salus nulli contingat, ipsum satis declarat Euangelium. Matth. 19. Iac. 1. 2.

213. Pontificios, quando docent, Sacra menta in re vel in voto esse necessaria, per votum non aliud intelligere, quam pollicitationem certi operis ad accipiemendam gratiam iustificationis. *Kemnit.* pag. 18. Somnium: Neque enim pollicitationem villius operis, sed desiderium promptamq; mentis intelligunt voluntatem percipiendi Sacramentum, quod re ipsa percipi non potest.

214. Non esse necessaria Sacra menta villa, quod populus Christianus signis non sit alligatus vel alligandus corporalibus. *Schwenckfeldiani.* Sed hi (ut supra) non nos, sed Christum, qui ea instituit & tradidit, arguunt, qui vtiq; nisi salutaria & necessaria essent, ea non instituisset.

215. Phanaticos & prophanos esse, qui autumant, superfluum & non necessarium esse Sacramentorum usum, si sola fides sufficiat & iustificet. *Kemnit.* pag. 18. 19. Cum nulli Pontificij, sed soli sic sentiant Lutherani, hi enim vel tali sunt, qui solam sine signis & operibus fidem iustificare autumant, An hi phanatici & prophani?

DE

v. Tim. 3.
Rom. 6.